



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

18.05.2016թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

թիվ 47/16

ՀՀ գնումների բողոքարկման խորհրդի (այսուհետ նաև՝ Խորհուրդ) բողոքը քննող հանձնաժողովը՝ գործելով Խորհրդի անունից, քննելով «Կարս» ՍՊԸ-ի 29.04.2016թ. ներկայացրած բողոքը (այսուհետ նաև՝ ԳԲԽ-47/16 բողոք) և կից փաստաթղթերը, ՀՀ պաշտպանության նախարարության 10.05.2016թ. թիվ ԴՎԱ/1246 գրությունը, ՀՀ ԿԱ պետական եկամուտների կոմիտեի 18.05.2016թ. թիվ 1/6-1/15409-16 գրությունը, «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-ՇՀԱՊՁԲ-10/4» ծածկագրով ընթացակարգին վերաբերող փաստաթղթերը և ԳԲԽ-47/16 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 16.05.2016թ. ներկայացրած եզրակացությունը, պարզեց հետևյալը.

1.«Կարս» ՍՊԸ-ի ներկայացրած փաստերը, հիմնավորումները և պահանջը

«Կարս» ՍՊԸ-ն (այսուհետ նաև՝ Ընկերություն) 29.04.2016թ. ներկայացրած բողոքով հայտնել է, որ Ընկերությունը ուսումնասիրելով ՀՀ պաշտպանության նախարարության (այսուհետ նաև՝ Պատվիրատու) կողմից հայտարարված «ԳԱԿ-ՇՀԱՊՁԲ-15/9-ՀՀ ՊՆ

ՆՏԱԴ-ՇՀԱՊՁԲ-10/4» ծածկագրով ընթացակարգի (այսուհետ նաև՝ Ընթացակարգ) հրավերը, հայտ է ներկայացրել և մասնակցել նշված Ընթացակարգին:

Ընկերությունը հայտ է ներկայացրել Ընթացակարգի 63-րդ չափաբաժնին մասնակցելու նպատակով և ներկայացրել է գնային առաջարկ՝ 61 200 000 ՀՀ դրամի չափով:

Ընթացակարգի գնահատող հանձնաժողովը նշված չափաբաժնի մասով առաջին տեղ զբաղեցրած մասնակից է ճանաչել «Կարս» ՍՊԸ-ին:

Այսուհետև Ընթացակարգի գնահատող հանձնաժողովը մերժել է «Կարս» ՍՊԸ-ի հայտը՝ գնահատելով հրավերի պահանջներին չհամապատասխանող, պատճառաբանելով, որ Ընկերության կողմից հայտը ներկայացնելու նախորդող երեք հաշվետու տարիների համախառն եկամտի հանրագումարը պակաս է ներկայացված գնային առաջարկից՝ հիմք ընդունելով ՀՀ ֆինանսների նախարարության կողմից տրամադրված եզրակացությունը, համաձայն որի՝ Ընկերության հայտը ներկայացվելուն նախորդող երեք հաշվետու տարիների համախառն եկամտի հանրագումարը կազմում է 8 160 000 ՀՀ դրամ:

Ընկերությունը բողոքով նշել է, որ ՀՀ ֆինանսների նախարարության եզրակացության մեջ ամրագրված 8 160 000 ՀՀ դրամը հանդիսանում է Ընկերության 2013թ. համախառն եկամտի հանրագումարը, մինչդեռ նշված եզրակացության մեջ չի ներառվել «Կարս» ՍՊԸ-ի հայտը ներկայացնելուն (2016թ.) նախորդող՝ երեք հաշվետու տարիների (2013թ., 2014թ. և 2015թ.) համախառն եկամտի հանրագումարը:

Ընկերությունը հայտնել է, որ «Կարս» ՍՊԸ-ի հայտը ներկայացնելուն նախորդող երեք հաշվետու տարիների համախառն եկամտի հանրագումարը կազմում է 62 923 672 ՀՀ դրամ, որից՝ 2013թ.՝ 8 160 000 ՀՀ դրամ, 2014թ.՝ 0 ՀՀ դրամ (Ընկերությունը գործունեություն չի իրականացրել) և 2015թ.՝ 54 763 672 ՀՀ դրամ:

Ընկերությունը գտնում է, որ խախտվել է «Գնումների մասին» ՀՀ օրենքի 31-րդ հոդվածի 1-ին մասի պահանջները:

Ընկերությունը բողոքով ՀՀ գնումների բողոքարկման խորհրդին խնդրել է դադարեցնել «ԳԱԿ-ՇՀԱՊՁԲ-15/9-ՀՀՊՆՆՏԱԴ-ՇՀԱՊՁԲ-10/4» ծածկագրով ընթացակարգի գնահատող հանձնաժողովի կողմից կայացված՝

- «Կարս» ՍՊԸ-ի հայտի՝ հրավերի պահանջներին ահամապատասխանության մասին որոշումը.

- «Կարս» ՍՊԸ-ի հայտը մերժելու մասին 26.04.2016թ. որոշումը.

- Ընթացակարգի 63-րդ չափաբաժնի մասով պայմանագիր կնքելու մասին որոշումը.

- Կիրառել ժամանակավոր միջոց և կասեցնել Ընթացակարգի 63-րդ չափաբաժնի մասով Պատվիրատուի կողմից պայմանագիր կնքելու գործընթացը՝ մինչև ՀՀ գնումների բողոքարկման խորհրդի (այսուհետ նաև՝ Խորհուրդ) կողմից համապատասխան որոշում կայացնելը, որը բավարարվել է ԳԲԽ-47/16 բողոքը քննող հանձնաժողովի 05.05.2016թ. միջանկյալ որոշմամբ:

Ընկերությունը բողոքով հայտնել է, որ իր կողմից ներկայացված գնային առաջարկը կազմում է 61 200 000 ՀՀ դրամ, իսկ Ընկերության կողմից հայտը ներկայացնելուն (2016թ.) նախորդող հաշվետու երեք տարիների համախառն եկամտի հանրագումարը կազմում է 62 923 672 ՀՀ դրամ, այսինքն հայտը ներկայացնելուն նախորդող երեք հաշվետու տարիների համախառն եկամտի հանրագումարը պակաս չէ գնային առաջարկից:

Ընկերությունը գտնում է, որ «Կարս» ՍՊԸ-ի որակավորումը բավարարում է «Գնումների մասին» ՀՀ օրենքի 5-րդ հոդվածի 3-րդ մասի 4-րդ կետով նախատեսված «Ֆինանսական միջոցներ» չափանիշին, քանի որ «Կարս» ՍՊԸ-ի հայտը համապատասխանում է ՀՀ կառավարության 10.02.2011թ. թիվ 168-Ն որոշմամբ հաստատված «Գնումների գործընթացի կազմակերպման» կարգի (այսուհետ նաև՝ Կարգ) 67-րդ կետի 1-ին ենթակետի «ա» պարբերությամբ նախատեսված և Ընացակարգի հրավերի պահանջներին:

Ընկերությունը բողոքին կից ներկայացրել է հարկային տեսչություն ներկայացված 2013թ.-ի և 2015թ.-ի շահութահարկի հաշվետվությունները, որոնցում արտացոլված են տվյալ հաշվետու տարիների «Կարս» ՍՊԸ-ի համախառն եկամուտը:

Ընկերությունը հայտնել է նաև, որ իր կողմից ներկայացված գնային առաջարկը Ընթացակարգի 63-րդ չափաբաժնի համար կազմում է 61 200 000 ՀՀ դրամ, որը տվյալ

չափաբաժինների համար ներկայացված գնային առաջարկներից ամենացածր գնային առաջարկն է հանդիսանում:

Ընկերությունը, պատշաճ ծանուցված լինելով ԳԲԽ-47/16 բողոքը քննող հանձնաժողովի 05.05.2016թ. ժամը 17:30-ին կայացած նիստի վերաբերյալ, չի ապահովել իր ներկայացուցչի մասնակցությունը:

2. ՀՀ պաշտպանության նախարարության կողմից բողոքի վերաբերյալ ներկայացված փաստերը, հիմնավորումները և դիրքորոշումը

ՀՀ պաշտպանության նախարարությունը 10.05.2016թ. թիվ ԴՎԱ/1246 գրությամբ ներկայացրել է «ԳԱԿ-ՇՀԱՊԶԲ-15/9-ՀՀ ՊՆ ՆՏԱԴ-ՇՀԱՊԶԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգին վերաբերող անհրաժեշտ փաստաթղթերը:

Պատվիրատուն վերոհիշյալ գրությամբ հայտնել է նաև, որ Ընթացակարգի հայտերի բացման նիստից հետո սահմանված կարգով ՀՀ ֆինանսների նախարարություն հարցում է ներկայացվել առաջին և հաջորդաբար տեղ զբաղեցրած մասնակիցների՝ ՀՀ պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև Կարգի 67-րդ կետով նախատեսված որակավորման պահանջի առկայության վերաբերյալ:

ՀՀ ֆինանսների նախարարության կողմից ներկայացված Կարգի 48-րդ կետով նախատեսված համապատասխան եզրակացության համաձայն՝ «Կարս» ՍՊԸ-ի տվյալները «Ֆինանսական միջոցներ» չափանիշի մասով չէին համապատասխանում հրավերով նախատեսված պայմաններին, մասնավորապես՝ մասնակցի գնային առաջարկը կազմում էր 61 200 000 (վաթսուամեկ միլիոն երկու հարյուր հազար) ՀՀ դրամ, իսկ ՀՀ ֆինանսների նախարարության կողմից տրված եզրակացության համաձայն՝ Ընկերության հայտը ներկայացվելուն նախորդող երեք հաշվետու տարիների համախառն եկամտի հանրագումարը կազմում էր 8 160 000 (ութ միլիոն հարյուր վաթսու հազար) ՀՀ դրամ, որը Կարգի 57-րդ կետի 1-ին ենթակետի «ա» պարբերության համաձայն չպետք է պակաս լինի ներկայացված գնային առաջարկից:

Հիմք ընդունելով վերոհիշյալ փաստը՝ Ընթացակարգի գնահատող հանձնաժողովը մերժել է «Կարս» ՍՊԸ-ի հայտը:

Ամփոփելով վերոգրյալը՝ Պատվիրատուն նշել է, որ Ընթացակարգի գնահատող հանձնաժողովի գործողությունները իրավաչափ են և մասնակցի հայտը մերժելու ՀՀ օրենսդրությամբ նախատեսված բոլոր հիմքերը առկա են:

Պատվիրատուն, պատշաճ ծանուցված լինելով ԳԲԽ-47/16 բողոքը քննող հանձնաժողովի 05.05.2016թ. ժամը 17:30-ին կայացած նիստի վերաբերյալ, չի ապահովել իր ներկայացուցչի մասնակցությունը:

4. ԳԲԽ-47/16 բողոքի վերաբերյալ «Գնումների աջակցման կենտրոն» ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը հորհրդին է ներկայացրել իր 16.05.2016թ. եզրակացությունը և առաջարկել՝ «Կարս» ՍՊԸ-ի 29.04.2016թ. ներկայացրած բողոքը մերժել:

5. ԳԲԽ-47/16 բողոքի քննության համար էական նշանակություն ունեցող փաստերը

ԳԲԽ-47/16 բողոքի քննության համար էական նշանակություն ունեն հետևյալ փաստերը՝

1. ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային գույքի ձեռքբերման նպատակով կազմակերպվել է «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-ՇՀԱՊՁԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգ:

2. «Կարս» ՍՊԸ-ն ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային գույքի ձեռքբերման նպատակով կազմակերպված «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-

ՇՀԱՊԶԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգին մասնակցելու նպատակով **20.02.2016թ.** հայտ է ներկայացրել:

3. Ընկերությունը հայտի N 3.3 հավելվածով հայտնել և հավաստել է, որ **հայտը ներկայացնելուն նախորդող երեք հաշվետու տարիների համախառն եկամտի հանրագումարը պակաս չէ ներկայացված գնային առաջարկից:**

4. Ընկերությունը հայտի N 4 հավելվածով ներկայացրել է գնային առաջարկ Ընթացակարգի 63-րդ չափաբաժնի համար՝ ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով, որի ընդհանուր գինը կազմել է **61 200 000 ՀՀ դրամ:**

5. Ընթացակարգի գնահատող հանձնաժողովի 22.03.2016թ. որոշմամբ «Կարս» ՍՊԸ-ն ճանաչվել է 1-ին տեղ զբաղեցրած մասնակից Ընթացակարգի 63-րդ չափաբաժնի մասով:

6. Պատվիրատուն ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 23.03.2016թ. կատարված հարցմամբ, խնդրել է տրամադրել տեղեկատվություն «Կարս» ՍՊԸ-ի վերաբերյալ:

7. ՀՀ ֆինանսների նախարարության կողմից 25.03.2016թ. Պատվիրատուին տրամադրվել է եզրակացություն, համաձայն որի՝ **«Կարս» ՍՊԸ-ի հայտը ներկայացնելուն (20.02.2016թ.) նախորդող երեք հաշվետու տարիների (2013թ., 2014թ., 2015թ.) համախառն եկամտի հանրագումարը կազմում է 8 160 000 ՀՀ դրամ:**

8. Ընթացակարգի գնահատող հանձնաժողովը 29.03.2016թ. ժամը 11:00-ի նիստի թիվ 5 արձանագրության 1.1-րդ կետով կայացված որոշմամբ «Կարս» ՍՊԸ-ի հայտը մերժել է:

9. ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային գույքի ձեռքբերման նպատակով կազմակերպված «ԳԱԿ-ՇՀԱՊԶԲ-15/9-ՀՀ ՊՆ ՆՏԱԴ-ՇՀԱՊԶԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգի

գնահատող հանձնաժողովը 26.04.2016թ. կայացրել է պայմանագիր կնքելու մասին որոշում, որի մասին հայտարարությունը www.gnumner.am համացանցային կայքում հրապարակվել է 27.04.2016թ.' սահմանելով անգործության ժամկետ՝ հայտարարությունը հրապարակվելու օրվան հաջորդող օրվանից մինչև 10-րդ օրացուցային օրը ներառյալ:

10. «Գնումների աջակցման կենտրոն» ՊՈԱԿ-ը 10.05.2016թ. թիվ 01/04.1/1807-16 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե ինչքան է կազմում «Կարս» ՍՊԸ-ի՝ հայտը ներկայացնելուն (2016թ.) նախորդող (2013թ., 2014թ., 2015թ.) երեք հաշվետու տարիների համախառն եկամտի հանրագումարը:

11. Ի պատասխան Կենտրոնի վերոհիշյալ հարցմանը՝ ՀՀ ԿԱ պետական եկամուտների կոմիտեն 18.05.2016թ. թիվ 1/6-1/15409-16 գրությամբ հայտնել է, որ ՀՀ ԿԱ ՊԵԿ հարկային ծառայության տեղեկատվական բազայում 16.05.2016թ. դրությամբ **«Կարս» ՍՊԸ-ի հայտը ներկայացնելուն (2016թ.) նախորդող երեք հաշվետու տարիների համախառն եկամտի հանրագումարը կազմում է 62 923 672 ՀՀ դրամ:**

6. Խորհրդի հիմնավորումները և եզրահանգումը

Խորհուրդն, ուսումնասիրելով «Կարս» ՍՊԸ-ի 29.04.2015թ. ներկայացրած բողոքը, ՀՀ պաշտպանության նախարարության 10.05.2016թ. թիվ ԴՎԱ/1246 գրությունը, ՀՀ ԿԱ պետական եկամուտների կոմիտեի 18.05.2016թ. թիվ 1/6-1/15409-16 գրությունը և կից փաստաթղթերը, հայտնում է հետևյալը.

Օրենքի 31-րդ հոդվածի 1-ին մասի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Օրենքի 5-րդ հոդվածի 3-րդ մասի 4-րդ կետի համաձայն՝ մասնակիցը պետք է բավարարի հրավերով սահմանված որակավորման չափանիշներին: Մասնակիցը պետք է ունենա պայմանագրով նախատեսված պարտավորությունների կատարման համար հրավերով պահանջվող ֆինանսական միջոցներ:

Կարգի 47-րդ կետի 1-ին ենթակետի համաձայն՝ հայտերի բացման նիստի ավարտին հաջորդող աշխատանքային օրը հանձնաժողովի քարտուղարն էլեկտրոնային եղանակով Հայաստանի Հանրապետության ֆինանսների նախարարություն հարցում է ներկայացնում առաջին և հաջորդաբար տեղ գբաղեցրած մասնակիցների՝ Հայաստանի Հանրապետության պետական բյուջեի նկատմամբ հայտը ներկայացնելու օրվա դրությամբ ժամկետանց հարկային պարտավորությունների, ինչպես նաև նույն կարգի 67-րդ կետով նախատեսված որակավորման պահանջի առկայության վերաբերյալ՝ ներկայացնելով հարկ վճարողի հաշվառման համարը:

Կարգի 48-րդ կետի 1-ին ենթակետի համաձայն՝ Հայաստանի Հանրապետության ֆինանսների նախարարությունը նույն կարգի 47-րդ կետի 1-ին ենթակետով նախատեսված հարցումն ստանալու օրվան հաջորդող երեք աշխատանքային օրվա ընթացքում էլեկտրոնային եղանակով պատվիրատուին տրամադրում է հարցման մասին եզրակացություն: Սույն կետով սահմանված ժամկետում Հայաստանի Հանրապետության ֆինանսների նախարարությունից եզրակացության չստացման դեպքում մասնակցի ներկայացրած հայտարարությունը համարվում է իրականությանը համապատասխանող: Եթե տրամադրված եզրակացության արդյունքում մասնակցի ներկայացրած հայտարարությունները որակվում են իրականությանը չհամապատասխանող, ապա հայտերի գնահատման արդյունքների հրապարակման նիստում հանձնաժողովի որոշմամբ տվյալ մասնակցի հայտը մերժվում է:

Կարգի 67-րդ կետի 1-ին ենթակետի «ա» պարբերության համաձայն՝ մասնակիցների՝ օրենքի 5-րդ հոդվածի 3-րդ մասի 4-րդ կետով նախատեսված՝ «Ֆինանսական միջոցներ» չափանիշը գնահատվում է հետևյալ կարգով՝

1) հրավերով պահանջվում է, որ Հայաստանի Հանրապետության ռեզիդենտ հանդիսացող մասնակիցն իր հայտով ներկայացնում է հայտարարություն այն մասին, որ իր կողմից հայտը ներկայացվելուն նախորդող՝

ա. երեք հաշվետու տարիների համախառն եկամրի հանրագումարը պակաս չէ ներկայացված գնային առաջարկից:

«Կարս» ՍՊԸ-ն ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային

գույքի ձեռքբերման նպատակով կազմակերպված «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-ՇՀԱՊՁԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգի մասնակցության 20.02.2016թ. հայտի N 3.4 հավելվածով հայտնել և հավաստել է, որ **հայտը ներկայացնելուն նախորդող երեք հաշվետու տարիների համախառն եկամտի հանրագումարը պակաս չէ ներկայացված գնային առաջարկից:**

Ընկերությունը հայտի N 4 հավելվածով ներկայացրել է գնային առաջարկ Ընթացակարգի 63-րդ չափաբաժնի համար՝ ինքնարժեք, շահույթ և ավելացված արժեքի հարկ ընդհանրական բաղադրիչներից բաղկացած հաշվարկի ձևով, որի ընդհանուր գինը կազմել է **61 200 000 ՀՀ դրամ:**

Պատվիրատուն, ՀՀ ֆինանսների նախարարությանն ուղղված ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի 47-րդ կետի 1-ին ենթակետով նախատեսված տվյալների ճշտման մասին 23.03.2016թ. կատարված հարցմամբ, խնդրել է տրամադրել տեղեկատվություն «Կարս» ՍՊԸ-ի վերաբերյալ, որին ի պատասխան՝ ՀՀ ֆինանսների նախարարության կողմից ստացվել է եզրակացություն, համաձայն որի՝ **«Կարս» ՍՊԸ-ի հայտը ներկայացնելուն (20.02.2016թ.) նախորդող երեք հաշվետու տարիների (2013թ., 2014թ., 2015թ.) համախառն եկամտի հանրագումարը կազմել է 8 160 000 ՀՀ դրամ:**

Հիմք ընդունելով ՀՀ ֆինանսների նախարարության կողմից տրամադրված եզրակացություները, Ընթացակարգի գնահատող հանձնաժողովը 29.03.2016թ. ժամը 11:00-ի նիստի թիվ 5 արձանագրության 1.1-րդ կետով կայացված որոշմամբ «Կարս» ՍՊԸ-ի հայտը մերժել է՝ պատճառաբանելով, որ Ընկերության կողմից հայտը ներկայացնելուն նախորդող երեք հաշվետու տարիների համախառն եկամուտը պակաս է ներկայացված գնային առաջարկից:

Ընկերությունը ներկայացված բողոքով նշել է, որ ՀՀ ֆինանսների նախարարությունից ստացված եզրակացությունը չի համապատասխանում իրականությանը, քանի որ ՀՀ ֆինանսների նախարարությունը իր եզրակացության մեջ չի ներառել Ընկերության 2015թ. համախառն եկամուտը և այն, որ «Կարս» ՍՊԸ-ի՝ հայտը ներկայացնելուն նախորդող երեք հաշվետու տարիների համախառն եկամուտը կազմում է ոչ թե **8 160 000 ՀՀ դրամ**, այլ՝ **62 923 672 ՀՀ դրամ:**

Կենտրոնը 10.05.2016թ. թիվ 01/04.1/1807-16 գրությամբ դիմել է ՀՀ ԿԱ պետական եկամուտների կոմիտեին, խնդրելով հայտնել, թե ինչքան է կազմում «Կարս» ՍՊԸ-ի՝ հայտը ներկայացնելուն (2016թ.) նախորդող (2013թ., 2014թ., 2015թ.) երեք հաշվետու տարիների համախառն եկամտի հանրագումարը, որին ի պատասխան՝ ՀՀ ԿԱ պետական եկամուտների կոմիտեն 18.05.2016թ. թիվ 1/6-1/15409-16 գրությամբ հայտնել է, որ ՀՀ ԿԱ ՊԵԿ հարկային ծառայության տեղեկատվական բազայում 16.05.2016թ. դրությամբ **«Կարս» ՍՊԸ-ի հայտը ներկայացնելուն (2016թ.) նախորդող երեք հաշվետու տարիների (2013թ., 2014թ., 2015թ.) համախառն եկամտի հանրագումարը կազմում է 62 923 672 ՀՀ դրամ:**

Այսպիսով, Խորհուրդն արձանագրում է, որ ՀՀ ԿԱ պետական եկամուտների կոմիտեի 18.05.2016թ. թիվ 1/6-1/15409-16 գրության համաձայն, Ընկերության հայտը ներկայացնելուն նախորդող երեք հաշվետու տարիների համախառն եկամուտի հանրագումարը կազմում է **62 923 672 ՀՀ դրամ**, որը պակաս չէ Ընկերության ներկայացրած գնային առաջարկից, որը կազմում է **61 200 000 ՀՀ դրամ**: Այսինքն, Ընկերության «Ֆինանսական միջոցներ» չափանիշը հայտը ներկայացնելուն նախորդող երեք հաշվետու տարիների համախառն եկամտի հանրագումարի մասով բավարարում է հրավերի պահանջներին, հետևաբար Խորհուրդը գտնում է, որ Ընկերության բողոքը այս հիմքով ենթակա է բավարարման:

Հաշվի առնելով, որ Ընկերության հայտի՝ հրավերի «Ֆինանսական միջոցներ» չափանիշը համապատասխանում է հրավերի պահանջներին, Խորհուրդը գտնում է, որ «Կարս» ՍՊԸ-ի հայտի՝ հրավերի պահանջներին չհամապատասխանելու մասին որոշումը դադարեցնելու պահանջը նույնպես ենթակա է բավարարման:

Նկատի ունենալով, որ Ընթացակարգի գնահատող հանձնաժողովի 29.03.2016թ. «Կարս» ՍՊԸ-ի հայտը մերժելու մասին որոշումը ենթակա է դադարեցման, ուստի գտնում ենք, որ «Կարս» ՍՊԸ-ի 29.04.2016թ. բողոքով ներկայացրած Ընթացակարգի գնահատող հանձնաժողովի Ընթացակարգի արդյունքներով 26.04.2016թ. պայմանագիր կնքելու մասին որոշումը 63-րդ չափաբաժնի մասով դադարեցնելու պահանջը նույնպես ենթակա է բավարարման:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 5-րդ մասով՝ ՀՀ գնումների բողոքարկման խորհուրդը

Ո Ր Ո Շ Ե Ց

«Կարս» ՍՊԸ-ի 29.04.2016թ. ներկայացրած բողոքը բավարարել.

- Դադարեցնել ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային գույքի ձեռքբերման նպատակով կազմակերպված «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-ՇՀԱՊՁԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգի գնահատող հանձնաժողովի 29.03.2016թ. ժամը 11:00-ի նիստի թիվ 5 արձանագրության 1.1-րդ կետով կայացված «Կարս» ՍՊԸ-ի հայտը մերժելու մասին որոշումը:

- Դադարեցնել ՀՀ պաշտպանության նախարարության կողմից ՀՀ պաշտպանության նախարարության կարիքների համար անհրաժեշտ գրասենյակային գույքի ձեռքբերման նպատակով կազմակերպված «ԳԱԿ-ՇՀԱՊՁԲ-15/9-ՀՀ ՊՆ ՆՏԱԴ-ՇՀԱՊՁԲ-10/4» ծածկագրով շրջանակային համաձայնագրերի միջոցով գնում կատարելու ընթացակարգի գնահատող հանձնաժողովի 26.04.2016թ. պայմանագիր կնքելու մասին որոշումը՝ 63-րդ չափաբաժնի մասով:

- Դադարեցնել «Կարս» ՍՊԸ-ի հայտի՝ հրավերի «Ֆինանսական միջոցներ» չափանիշին չհամապատասխանելու մասին Ընթացակարգի գնահատող հանձնաժողովի որոշումը:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Հայրապետյան Գևորգ

Անդամներ՝



Չիլինգարյան Վարդգես



Մնացականյան Հասմիկ